



## საქართველოს მთავრობის დადგენილება

N 139 2016 წლის 24 მარტი ქ. თბილისი

„საქართველოსა და ბულგარეთის რესპუბლიკას შორის საგანგებო  
სიტუაციებისგან დაცვის სფეროში თანამშრომლობის შესახებ“ შეთანხმების  
დამტკიცებისა და ძალაში შესვლის თაობაზე

მუხლი 1.

„საქართველოს საერთაშორისო ხელშეკრულებების შესახებ“ საქართველოს  
კანონის მე-18 მუხლის შესაბამისად, ძალაში შესვლის მიზნით,  
დამტკიცდეს 2015 წლის 15 ოქტომბერს ხელმოწერილი „საქართველოსა და  
ბულგარეთის რესპუბლიკას შორის საგანგებო სიტუაციებისგან დაცვის  
სფეროში თანამშრომლობის შესახებ“ შეთანხმება.

მუხლი 2.

საგარეო საქმეთა სამინისტრომ:

ა) აცნობოს საქართველოს პრეზიდენტსა და საქართველოს პარლამენტს ამ  
დადგენილების პირველ მუხლში აღნიშნული შეთანხმების დადების  
შესახებ;

ბ) შეატყობინოს ბულგარეთის რესპუბლიკის მხარეს ამ დადგენილების პირველ მუხლში აღნიშნული შეთანხმების ძალაში შესვლისათვის აუცილებელი შიდასახელმწიფოებრივი პროცედურის საქართველოს მხრიდან დასრულების თაობაზე.

მუხლი 3.

დადგენილება ამოქმედდეს გამოქვეყნებისთანავე.

პრემიერ-მინისტრი



გიორგი კვიციანი